



**Peersjberiech  
van de Groetse en Hoeglöstige Prins 2014  
van c.v. De Sjlaiabök-Amie.**



Karnevalsvereininging C.V. De Sjlaiabök maak gruitsj en mèt vol gemood bekind, tot op zaaterdag 25 jannewarie um 23.11 oor in 't 59<sup>ste</sup> besjtaonsjaor, ten aanzeen van 't nao vastenaovend verlangend Volk van Amie en umsjtreke, is oetgerope en geïnstalleerd tot

**Gruutsj en Hoeg Hoeglöstig Prinsepaar 2014:**

**Prins Benno d'n Iersjte en Prinses Maud**

De nuije Gruutsje en Hoege Hoeglöstigheid van c.v. De Sjlaiabök-Amie; Prins Benno d'n Iersjte en zien al eve Hoeglöstige Prinses Maud zien in Amie - en daoboete - bekind es Benno en Maud Hermans. Zie woene aan de Heukelsjtraat 14A in Amie, same mèt hun twie keender Femke (5), Luuk (2) en Rico, hunne roedsjtaartpapegai.

De kos verdeent heer es direkteur van zien eige bedrief: glaashandel Cuypers. Veur glaassjaai of um get sjoens van glas te make mót geer dus beej häöm zeen. Zien prinses Maud kint geer allemaol wel van beej de aptiek heij in Amie boe zie wèrk es apothekersassistente. Oze prinses Maud zal d'r veur zörge tot, moch geer koppein of spierpijn kriege van de vastenaovend, genoeg pilkes of get um te sjmeire, op veurraad is beej de aptiek. Oos Prinsepaar kint ziech al vanaaf 14 jaor wie men same nao mavo Hunneweeg ging. Ze besjlote um in 2005 elkaar 't jaowoord te geve en woene, nao get verhuizinge, in 't ajd hoes van de Hoeglöstigheid zien Oma.

Hobbies heit oos prinsepaar zier zeker; geer kint hun vinde beej hun vrun de hofkapel: Beejeingesjraavel. Oze hoeglöstigheid sjeilt al 17 jaor tuba beej de kapel en de prinses heit 'n hiel klein trummelke boe zie de maat mèt sjeijt. Al jaore maoge zie hiel vööl Prinsepare begeleije meh noe mot de kapel hun helpe en veural vööl en hel sjele. Al hiel zeker umtot Prins Benno veurzitter van dees club is. Weijer is heer ouch sjpelend lid van oos eige Hermenie St. Walburga, vervult heer besjtuurstake beej de Joonkheid van Amie en draag heer zörg veur de jaorlèkse familiedaag van de Sjlaiabök



Sjportief zien ze allebei, hoewel 'ste dat mesjiens van de Hoeglöstigheid neet zouws zègke. Same mèt zien broor en vrun geit heer mountainbike. Oze Prinses Maud lègk af en touw behuurlèk get kilometersj aaf door te hardlaope. Oos prinsepaar heit zoewel 't vasteaovendsgeveul es d'n Amiese dörpsgeis hiel hoeg in 't vaandel sjtoon.

En dat lèste is noe ouch zjus wat 't Hoeglöstig Prinsepaar 't volk wèlt vraoge! Zie zègke: "Laote veer oos in 't veurligkende vastenaovendssezoen same good vinde oonderein. Veer goon dao es Prinsepaar, same mèt alle Sjlaiabök, flink oos bès veur doen". Laote veer same zörge tot de vasteaovend in Amie behawwe en weier oetgedrage zal weure.

**Want Amie is en bleif Amie!**

Prins Benno en Prinses Maud weite zeker tot 'n ederein hun good geit hellepe um 'ne hiele fijne Karneval 2014 te make. Zie winsje alle luj 'n hiel sjiek fees, meh vraoge hölp um same mèt hun en de Sjlaiabök de sjlingersj op te hange.

**Ziene Hoege en Gruutsje Hoeglöstigheid Prins Benno d'n Iersjte  
zal 't Amiese Riek van Sjlaaibök en Sjlaaimette goon regere  
oonder de vollegende titelatuur:**

**Prins Benno d'n Iersjte**

**59<sup>ste</sup> Prins van CV de Sjlaaibök**

**Direttore di finestra**

**President van kapella de musique de Sjlaaibök**

**Besjpeuler van instrument de muzique de tuba**

**proprietario di roeje pappagallo**

**Arrangäör van de gezellige femilliedaag van de Sjlaaibök**

**Sjpontaan-Animator van Gezèlsjapskringk beej 't buffèt**

**Aktief-veló besjtuurder door de pratsj binne en boete amie**

**Regulatäör van de joonkheid van Amie**

**Erfprins van 't Amies Lindeplein en d'n Heukel**

